

CIMELIA

Qu

4889



4  
Sarnicius

LB. 138450

4096411c



4889

CIMELIA



ORATIO PRO  
LEGE ELECTIONIS AD MA-  
IESTATEM REGIAM, AM-  
PLISSIMUM SENAT-  
UM, ET ORDINES  
REGNI.

*Cui addita est in fine deliberatio  
de bello Turcico,*



*Cim. Qu. 4889*



SERENISSIMO AC POTEN-  
tissimo ST Ephano Dei gratia Regi Poloniae  
& magno Duci Lithuaniae, Russiae, Prussiae, Ma-  
souiæ &c. necnon Principi Transylua-  
niæ &c. Domino suo clementissimo.



Hoc quaecumque honorarium obusam  
mittit fidelis subditus M. V. quod ut  
legat, aut saltem perlegi, ad leuandum  
fastidium tam longi itineris M. V. coram se iube-  
at, etiam atque etiam rogo. Volui de declaratio-  
ne legis electoriae cogitantibus, ac veluti vadum  
aliquod ingressuris primam glaciem perfringere.  
Volui ius electionis quod vestrae M. & serenissi-  
mae infanti Poloniae diuinitus obtigit, asserere &  
declarare. Volui denique sponte pperantibus ad con-  
cordiam & consensum, (quod vnicum per literas & ora-  
torum suum M. V. exoptat) animum addere. Nescio  
tandem si hoc effecerim quod volebam. Si non effeci  
voluntatem saltim & conatum piū erga Patriam M. V.  
acceptet & collaudet. Ceterum quod consiliis nostris  
defuit, hoc supplebit haud dubie aduentus M. V.  
qui ut maturus sit & faustus Deū fontem perennem  
omnium honorum obnixè precamur.

*Fidelis subditus M. V.*

*Stanislaus Sarnicius.*

## ORATIO PRO LEGE ELECTIONIS.

Ad amplissimum Senatum & Ordines Regni,  
CR Acouiae ad Commicia Coronationis  
congregatos.



Icentem me de lege electionis à Si-  
gism: Rege perenni memoria di-  
gnissimo lata, Magnifici Nobis  
lesque Equites Poloni, & quibus auribus,  
quod vnum expeto, audiat. Quod enim  
hoc argumentum mihi delegerim, infinita pro-  
pemodum pericula, quae Patria nostra post Lo-  
douicum quinquennium, nunc verò à morte Au-  
gusti quatuor annos pertulit, & etiamnum perfer-  
re non cessat, me cogunt. Neque hic expectate à  
me Tulliana verborum ornamenta, à quibus iam  
pridem ruri meo colendo agrum desueui: verum  
fatis me facturum boni viri officio putabo, si in  
hoc rerum turbulentissimo statu, summa fastigia  
rerum sequendo, de rebus ipsis, pro mea tenuitas  
te vos commonuero. Non temere in ore nostro-  
rum maiorum vox liberae electionis frequenter re-  
petitur, Si enim haec rite liberèque transigitur, infu-

A ij

nitæ



nita eam utilitates concomitantur. Nam & suspiciones de præcipuo Reipub. ordine si quæ exoriantur hac via commodè tolluntur: & inter æquales amor confidentiaq; præclarè stabilitur.

Quodq; maximum est, nouæ libertates à nouo Rege, sub interregno opportunè impetrantur, & veteres si quid in eis exorbitatum est, dum nullus obstat funere regali super loculum iacente, tempestiuè recuperantur vindicanturq;. Absq; istis commodis electiōis liberæ nomen frigide sonat, friuolumq; est. At ubi hos fructus expendis, rem summæ momentis, qua non datur maior, ad Rempub: attuleris. Legislator noster in prædicandis laudibus liberæ electiōis nimis multus est: at ubi ordo exigebat modum electionis seriatim exponere, ibi admodum breuiusculè sese expedit.

*NEMO, inquit, IN REGEM POLONIAE coronari debet, donec vnanimiter secundum Leges & Priuilegia Regni ab omnibus ordinibus Regni electus sit.* Hæc sunt verba Legis. Qua autem via, quoue ordine procedendum erat in ea ipsa electiōe ut hæc vnanimitas solida nobis constaret, ibi tacuit, Atque inde fit quod nunquam sine aliquo strepitu electio transigatur apud nos. Et in anna

libus Polon

libus Polonorum vix exemplum vnum liberæ electionis, exactè loquendo, inuenias cui non admixta sit aliqua vis, aut aliquod stratagemata.

Verum hoc non modo in Polonia sed in omnibus propemodum nationibus vsu euenit, ubi certus modus non est præscriptus electionis, quo suppresso necesse est electores confugere ad compendia & media aliquando illicita, quorum præsidio tumultus multitudinis compescatur, & ad optatum finem res per se intricata perducatur. Inde fit quod nomen inane saltem electiōis liberæ iam diu retinemus, res autē ipsa tacite euanescit, idq; incuria nostra. Nec admodum irasci possumus viris quibus tum temporis exors quædam potestas à Deo datur. Exurgentibus enim turbis, & non aperientibus legibus viam, necesse est eos qua saltem patet semita, nisi carere velimus Rege, ad finem electionis properare. Alioquin enim tot voluntates hominum, fere semper inter se variantes, ad vnum subiectum ex quo omnes contenti sint, sine arte reducere impossibile est. Hæc vere & ingenuè nos dicere nemo candidus negabit, q saltem pænitus rerum naturam de quibus nobis est sermo, introspexerit. Quapropter monitor &

A iij hortator



hortator ad vos prodire volui Equites Poloni,  
ut hinc absque declaratione legis, aut saltem spe  
certa declarandæ, non discedatis, nisi patriam ve  
stram, tot difficultatibus implicitam, & proinde  
ruinæ obnoxiam reddere velitis. Vna hæc inter  
omnes quotquot erant retroactis seculis glorio  
sissimi Herois STEPHANI Bathorij, &  
serenissimæ virginis Annæ Jagelonidis aureo,  
ut dicitur, stillo notanda est, quæ quod ad analo  
giam legum libertatumq; ordinis militaris pro  
pius accedit, eò & decore speciosior, & autoritas  
te magis legitima censenda est. Ab omnibus enim  
Palatinatibus, non præcipitatis commiciis: sed  
constantiperseuerantia firmatis, non semel nomi  
ne euulgato: sed bis terue electione iterata, non  
Varsoviæ tantum: sed etiam Andriouæ, non cõ  
iunctim in comiciis generalibus solum: sed etiam  
per prouincias particulatim decreto confirmato,  
non in aliquo priuato territorio vrhis, sed in lo  
co ab omnibus designato, præconis voce procla  
mato, securitate munito, communilaudo firma  
to, hoc ipsum par regentum propenso omnium  
animo, & voluntate serena ad eam dignitatem es  
lectum, euectum & confirmatum est. Cunctantis  
bus quidem

bus quidem nunnulis primariis viris, quod non  
nouum est circa omnes electiones, sed iam ex eo  
numero non modica pars tam Polonorum quam  
Lithuanorum sese ad hunc sacrum consensum Reipub:  
postea aggregauit. Quin etiam & reliqui p  
suo amore in Patriam, qui semper in eis flagrans  
apparuit, dabunt hoc Reipublicæ spero, & viso  
tam glorioso pari coniugum thronum regalem  
ascendentium, illud triumphale lætanter nobiscum  
tangent: PROSPERE PROCEDE ET  
REGNA. Habemus enim magnam causam  
curlatemur. Audimus namque non ex rumoribus:  
sed testibus honoratis in hoc illustri Principe,  
præter dotes corporis eximias, virtutem, au  
toritatem, scientiam rei militaris, & raram felicità  
tatem, quæ quatuor graui iudicio vetustas in Du  
cibus summis requirebat, luculenter reperiri.  
Sed reflectamus cursum orationis nostræ ad eam  
ipsam metam vnde digressi sumus. Ut declare  
lex electoria admonet nos rei ambiguitas, exigat  
necessitas. Quis autem modus sit vobis sequen  
dus, ipse mecum subdubito. Si id quod ea in re  
sentio aperuero, timeo ne notam arrogantia in  
curram, sin reticero, vereor ne ea in re quæ tras  
ctandam



Etandam suscepí: ineptus & tardus apaream. Me-  
 diam ergo rationem sequendam delegí. Enume-  
 rabo aliquot formas electionum ex quibus libe-  
 rum erit cuius quam volet eligere. Nota est ma-  
 gnæ parti vestrum ratio eligendi Pontificis, quæ  
 est duplex: altera illuminationis, vt vocant, cum  
 in vnum virum omnium testimonio conspicuū ac  
 nemini parem suffragia certatim feruntur. Alte-  
 ra per suffragia Cardinalium, vbi maior pars cō-  
 cludit. Secundum exemplum in deligendo Impe-  
 ratore, idque per septem virorum suffragia, quæ  
 si pari numero sibi non cedunt, septimus hoc est  
 Rex Bohemiæ, cui parti se aggregat, hic saluta-  
 tur imprimis Rex Romanorum, & postmodum  
 augustus Imperator. Tertiū per balotationem,  
 vt vocant, quam rationem Venetus populus quí  
 perinde libertatis fama gloriatur atque Polonus,  
 vt æquissimam, expeditissimamq; sequendam pu-  
 tauit. Cuius rationem & formam his versibus bre-  
 uiuscule comprehensam, videre licebit.

<sup>a</sup>  
 Nouem remanent  
 hoc est e-  
 ximūtur  
 2. scbedu  
 la per pu-  
 erum ex  
 vase, & remanebunt nouem.  
 b Per septem suffragia, id est, si discumuenient inter se illi nouem, tum ad mi-  
 nus septem, hoc est maior pars concludit, & reliqui duo secedent Et sic ad fi-  
 nem vsque procedes exponendo.

Ab omni Senatu & nobilitate triginta viri eligun-  
 tur per suffragia.  
 a Ex triginta per sortem nouem remanent.  
 b Nouem per septem suffragia quadraginta eligūt.  
 Ex qua-

Ex quadraginta per sortem duodecim remanent.  
 Duodecim per nouē suffragia, viginti quinque eligūt.  
 Ex viginti quinque per sortem, nouem remanent.  
 Nouem p septē suffragia quadraginta quinque eligūt  
 Ex quadraginta quinque p sortē vndecim remanent.  
 Vndecim per nouē suffragia quadraginta vñū eligūt.  
 Quadraginta & vnus per viginti quinque suffragia  
 Ducem, idque iurati, eligunt.

Hi sunt tres modi trium præstantissimarum Re-  
 rum publicarum nostra ætate, ex quibus vnum eo-  
 ligeretis, quí vobis magis placeret. Sed videtur  
 hic postremus præ omnibus laudabilior. Primo  
 quod in tali modo libertas omnibus conseruatur,  
 confusio euitatur, ordo retinetur, & intra modis  
 cum tempus certo quodam & infallibili tramite  
 ad candidatum eligendum deuenitur.

Addenon simpliciter sorti res tanti momenti cō-  
 creditur, sed iudicium arbitriumq; eligendi, grata  
 quadam ratione cum sorte commiscetur. Nec  
 simpliciter Dux eligitur, sed electores primo ele-  
 ctorum creantur, quibus tandem facultas ab om-  
 nibus tanquam si ipsi per se eligerent, concedit̃.

Adhæc prauis artibus & corruptionibus commo-  
 de obuianitur, Nam vt quí aleam ludunt, char-

B

tas illas



tas illas aliquoties intermiscant, ut cuius impos-  
sturæ occurrant, ita hic quoque quinque vicibus  
electorum classes sursum deorsumque miscentur,  
ut quam accuratissime peruersorum technis vel  
minima fenestra occludatur.

Quarto ubi tam arcte res expenduntur, nulla de-  
mum gens vel familia gloriari, aut plus sibi arro-  
gare in eligendo Rege poterit.

Adde quod æqualitas quæ est parens concordia,  
hac via mire inter ciues Reipub. contemperatur,  
ita quod omnes quæ quæ conueniunt ex æquo glo-  
riari poterint se participes fuisse electionis, itaque  
læti domos redibunt. Proinde vix alia ratio magis  
analogæ legibus Polonorum reperiri potest.

Adhæc postquam infallibilis ratio veluti via re-  
gia semel legibus sancietur, & hæc fama emanaue-  
rit, neque extranei molesti erunt nobis deinceps  
cum suis legationibus, non raro Reipub. nostræ  
noxii, neque hi qui regni sunt ciues relictis præ-  
natiuis ut non raro accidit, timore adducti, ne  
quid derogetur legibus patriæ, ita cateruatim,  
non sine grauissimo aliquando motu Reipubli-  
cæ accurrent. Sed iustæ magnitudinis numerus  
Senatorum cum equestri ordine, pacatis animis  
vniuersum negotium transigent.

Et quoniam quæstio de Primatu Regni, & quis  
nam renunciator debeat esse noui Regis non pa-  
rum quosdam exercet, imò etiam totam actionem  
electionis, ut nunc veluti in speculo videre licuit,  
conuellit & cõturbat, ideo legibus sanciat quæ-  
so, ut sicuti circa actum coronationis præsul con-  
uersus ad ordinem equestrem alta voce interro-  
gat: **IVBETISNE CORONARE  
REGEM**, ita circa actum electionis, ubi plu-  
ris interest, is cui committetis, conuersus ad vni-  
uersum confessum senatorum ac militum, ante ipsam  
nominationem interrogare debet: iubeantne  
nominare ex decreto cõuentus hunc & hunc Re-  
gem. Res profectio hæc & electo & electoribus  
ipsis honorifica, tum etiam ad tutandum ius libe-  
ræ electionis pernecessaria. Tolleiturque protinus  
hac via illa contentio, equisnam debeat renuncia-  
re Regem, postquam ab vno homine ad omnes  
transferetur prærogatiua illa qua sibi præsul so-  
lus Regem nouum nititur quodammodo obstrin-  
gere. Nam reuera dicendum est: Electio Regis  
nisi re ipsa libera sit, plus detrimenti & ignomi-  
niæ quam gloriæ Reipub. adfert. Et honestior  
est conditio illorum populorum quibus in cunis  
B n nascuntur



nascuntur Reges quam si tali modo eligerentur. Cum enim nascuntur, à Deo quales quales sint veluti donati esse creduntur. Cum verò inuerso ordine obrepunt, gloriatio omnis ad quosdam nō sine dolore reliquorum ac etiam quærulīs vobis, transcribitur. Comprimis autem ad electis onis actum adeoque ad omnia Reipub: munia obeunda, voluntatum concors æquabilitas requiritur, quæ magna ex parte ex religionis consensu dependet. Quapropter Serenissime Rex vna cum serenissima Regina, si seculum vestrum florēs reddere vultis, prima cura incumbit vobis ubi sceptrum Regni resumpseritis, incolas Regni ad vnitatem religionis, aut saltem ad quandā certam conformitatem, legibus Patriæ non contrariam, reducere. Et hoc est demum verè componere inter status discordias. Hoc à te Deus pro eo munere quod in te contulit ἀντίδωρον reposcit, hoc Reipub. istius vrgēs necessitas requirit, hoc leges efflagitant. Ad quam rem transigendam nō deerit tibi amplissimus, idemq; & prudentissim⁹ Senatus huius inclyti Regni. Nos q; inter postremos qui istas causas sursum deorsumq; ab inextinguente ætate reuoluimus T. M. operam nostrā humiliter offerimus. Deus fortunet vestrum Regnum.

## DE BELLO TVR- CICO DELIBERATIO.



Ed quia cum superiori causa de bello Turcico deliberatio coniuncta est, is deo etiam hac de re forsitan oportu, ne quædam coram vobis amplissimi viri dicent. Cum scriptores Ferdinandi existimationem munire volunt, eo quod nunquam præliis se præsentem committebat, affirmant eum non degenerem Carollo fratri fuisse, spiritusq; militares ei non defuisse. Sed quid? Communi infortunio, inquit, Regum totius Europæ adductus, maluit p̄ Duce bella geri, quàm se dubiæ alexæ præliorū obiscere. Et reuera ita est. Nam nescio quo fato videmus nationes bellicosas, quæ quondam Romana arma exercuerunt, & Asiaticis ita formidabiles erant, vt etiam Regnum Hierosolimitanum summa vi recuperatum multos annos armis possederint, nunc propemodum militari laude à gentibus orientalibus spoliatas esse. Galli etiam multos annos sanctè colunt foedus cum Turcis, æquioribus se temporibus seruantes. Veneti quoque cum

B in

decre



decreuissent bellum contra eosdem ad decem annos ad imitationem Troiani belli, tandem vix exacto triennio, ad pacis studia consilium deflexerunt. Quin etiam Imperium superioribus annis, vim vi, manum manu repellendo tandem iniquitate temporum adductum isto denuo foedere, fortunæ manus concessisse videtur. Quid tandem Polonia, quæ quasi in acie omnibus Christianis nationibus, prostat: sequendum sit, non est difficile iudicare. Prudentes sane non abhorrebunt à consilio iam trito, quod tot regna, tot nationes, & Respublicæ, admonitæ aliorum tristi euentu, sequendum sibi proposuerunt. Agnoscendaque est potentia Dei, quam in dextris hostium propter scelera nostra, veluti in vagina Deus recondere voluit. Humiliemini sub potenti manu Dei, inquit Spiritus sanctus. Nec sumus vanissimi contemptores potentia hostium. Qui timet Deum, timet & tonitru eius, prouerbiū est militare. Summere bellum vel ignauissimo licet, deponere non licet. Eccontra, si modò amicitia Imperatoris Turcorum à nobis honestior haberet ratio, non omnino de pace, quam poscimus omnes, adhuc desperare possem. Quid autem me id ut credam mouet, ponam

uet, ponam rationes vnam & aliam, quas tamē iudicio meliori prudentū, libenter subiicio. Primum omnium fides eorum in seruandis foederibus, quam laudem præ aliis nationibus barbaris hæc gens peculiari iure sibi desumit. Quod liquet vel ex illo responso Solimani ad Legatos Ferdinandi: Hoc, inquit, firmum teneatis quod noster Imperator, sicuti fortitudine & armis reliquos Christianorum Reges superat, ita iusticia, fide, foederum conseruatione, eosdem multum antegreditur. Potest & hoc confirmari vix illa luctuosissima historia cladis Vladislai Jagelonidis. Illo enim conflictu tempore Amurates, & se ipsum & suorum militum animos non alio argumento efficaciore, expanso velo crucifixi, erigere nititur ad strenue rem gerendam, & prælium restaurandum quam eo, quod sibi bellum esset cum iis, qui fidei & foederum ruptores extitissent. Et quamuis nunc non cum illo Amurate nobis negotium imminet, tamen constat hos Principes summos habere in domibus suis quasdam peculiāres viuendi regulas, quas etiam posteritas tenere obligatur. Habet Austriaca domus suas institutiones, habet & Othomanica institutiones suas, à quibus vel minis



vel minimum posteritati deflectere, flagitium est. Cum ergo Regnum Poloniæ cum illo feroci hoste, multis seculis foedus confirmatum habeat, & nunc eius legatus ad id sancte custodiendum nos inuitet, profecto quod aliis magno constat, nobis cum gratuito offertur spernere, eo præsertim tempore, absurdum esse videtur. Obiecerit autem aliquis, Turcam foedera commodo suo metiri, quod neque nos diffitemur: sed addita distinctione: Nimirum quando illi est negotium cum Principe fluxæ fidei, aut cum inimico clam hostilitatem tegente, non autem cum antiquis & fidelibus vicinis. Tale quid accidit illis octingentis Germanicis militibus post deletum Rachandulphum ad menia Budæ, cum eos Ianiensium Ianicærorum obiecerit. Rationem tamen decreti tam crudelis in eos lati ibidem ferox Imperator non reticuit: Talia, inquit, non pati digni sunt qui cum de pace agunt, bellum moluntur. Miserat enim tum Rex Ferdinandus Oratores Constantinopolim ad sancendam pacem, interea quadam occasione ad oppugnationem Budæ deuentum erat. Esto verò si non probitatis ratione foedus nobis seruarit, tamen vel solo tot Regnorum fastidio id eum facturum sperandum est. Iam illo tempore

tempore quo infantem Hungariæ Ioannem, ex arce ad castra euocatum in vlnis gestaret Solimanus, quando & pater horum illustrium Comitum à Gorka, vir æterna memoria dignus Andreas Comes à Gorka apud eum ibidem in castris legationem summa cum laude obibat, vnde viginti regnorum dominus ferebatur. At postea quot dominia, quot vrbes & insulas eum suo imperio adiecisse putatis? Non immerito ergo Imbraimus ille penes quem tum summa imperii erat, cum ab occidentalibus bellis eum auocare vellet, istis eum alloquitur verbis: Iam satis extendisti Regnum ô Solimane, ut iam graue sit tueri parta: atque tutelæ tedio, & nobili quodam contemptu alienis & semihostibus (de Ioanne Rege inquit, cui tum Regnum Hungariæ vindicabat) donanda censes. Neque hoc nouum est Monarchis. Quod enim Imbraimus de Turcis, hoc ille Scipio de Romanis cum iam incipiebat sua amplitudine Imperium laborare, perhibebat. Verè enim dictum est à Poëta de Monarchiis, quibus ideo quod ad summum fastigium rerum humanarum peruenerunt, veluti fatis urgentibus diu stare negatum sit. In seqq, inquit, magna ruunt.

C

Adepto



Adepto enim armis regno, præsidia imponi solent, quæ quo amplius & remotius Regnum est, eo ampliora firmiora quæque esse necesse est. Quomodo autem credibile est, & quando hoc accidit, ut vnius gentis præsidio totus in vniuersum orbis teneri, & in officio contineri possit? Proinde Romani, teste Liuius, rei tanta difficultate permoti, ne in infinito versarentur, quod in omnibus actibus omnibus rerum humanarum est absurdo absurdius, cum eorum monarchia latius quam vnquam Babyloniorum Medorum Græcorumque extendere, tur, fines monarchiæ suæ describi voluerunt: Ab Oriente quidem Euphratem flumen, ab Occidente Gades, à Meridie Nilum, à Septentrione Istrum (Hinc illæ triginta pyramides Danubio ad feuerinum à Traiano iniectæ) tacite admonentes reliquas gentes, dominio tot & tam opulento rum regnorum quæ sunt intra hos fines ad mare mediterraneum occupato, satis se formidabiles vires & opes habere ad consequenda reliqua regna, si forte inuitis ansa daretur. Quare monarchiæ gentes illas remotiores nunquam suapte sponte exagitandas censebant, nisi forte ab eisdem superbè prius vel contumeliose irritarentur. Intelligebant

10  
telligebant siquidem eas nationes, & numero militum, & robore corporum natura esse munitas. plusque periculi quam vtilitatis ex eorum victoria peti. Hæc Turcos quoque secum expendere exemplo superiorum monarcharum, ad quorum exemplum se quoque illi conformant, credibile est, maxime cum recordentur quam tristi euentu Baziates attauorum memoria cum Tamerlane, Machometes cum Valachis, Amurates cum Vladislo belligerarint. Neque ignotæ sunt eis ut ut dissimulent, vires Polonorum, quos excitare est totum Septentrionem tonantem in suam perniciem, ad arma ciere. Vidimus ipsi ad Andriouiam in ea expeditione tam strenuum, tam numerosum militiæ polonicæ florem. Hoc verò tantum ex tribus palatinatibus iisque non integrè congregatis. Nam reliqui palatinat, qui sunt triginta duo numero, tantum per nuncios representare faciem Reipublicæ, voluerunt. Quid si omnium fieret generalis delectus? Prælusius ille Polonus vir diuturna memoria dignissimus, cum ei apertè cognita essent res Polonorum, equitatum polonicum ad summam ducentorum millium equitum, & totidem peditum supputabat. Certe Carolus quintus ad C. h. Viennam



Viennam, initurus praelium cum Solimano, cum ex Germanis, Italibus ac etiam Hispanis conscripsisset exercitum vix centum & triginta millia, peditum inquam maiori ex parte, quam equitum, conflauerat. Magnum est ergo hoc beneficium Dei ô Poloni, si eas vires quas integras à maioribus accepimus, exercitio excultas, & arte militari instructas, posteritati relinquamus.

Ad tam florens Regnum te vocauit diuina prouidentia gloriosissime Princeps STEPHANE BATHORI, hoc tibi concedidit, huius insignia tibi porrigit: STEPHANON siue coronam, quod iam diu fata vel ex nomine ipso te Regali fortuna iudicarunt dignissimum. Sceptrum, ut scias nos regere, gladium, ut hoc Regnum defendas, pomum, ut omnia prouidendo, ac nihil casui relinquendo, illud veluti in digitis noctu diuque ante oculos verses. Nec dubitat Patria nostra quin tuas omnes vires, & cogitationes in hoc collaturus sis, ut cum lapideum inueneris, marmoreum relinquas. Atque ut nihil tibi possit ad bene beateque viuendum deesse, hæc eadē Patria nostra, eadem liberalitate adiungit tuæ celsitudinis serenissimam Annam, non minus dotibus corporis,

quam prudentia & morum constantia virginem lectissimam. In vobis duobus liceat nobis quæso adhuc dum viuimus videre reliquias domus Iagelonicæ, hoc est: bonitatem cum pari iusticia Sigismundorum, fortitudinem CHABORUM, prudentiam æconomicam KAZIMIRORUM. Optamusque ut iam inter illos fortunatos Reges memoria tuorum mirificorum operum, reponatur. Hoc nos de te sentire nobisque audacter ominari, suadet tua iusticia ac temperantia, iubet fortitudo & prudentia, quarum inquam quatuor virtutum præsidio te euectum, & tanquam triumphali quadrigarum curru altius fulcro insidentem, ut nobis posterisque nostris liceat videre, domitorem cæli & terræ DEVM Optimum Maximum submisisse precamur. Et dicent omnes:  
Fiat fiat.

C in



## RATIO CREANDI ROMANI Pontificis.

**P**ATRES Conclauē ingressi, diem integrum sequentem formandis legibus impendunt, ad Romani Pont. administrationem maxime necessariis, quibus patrum quisque subscribens, iureiurando votoque promittit, obtemperaturum se illis, si Pontifex factus fuerit. His actis, statim quodam die, prima comitia indicuntur. Mane autem eius diei, Patres omnes induti palliis à summo deorsum apertis, quas Croccias vocant, in Capellam ubi corpus Christi asseruari dicitur conueniunt. Ibi diuina Spiritus sancti sacra celebrantur. Quibus absolutis, suo loco disponunt se per subsellia. Quis autem quos eligere decreuit, in codicillo ante describit, huncque suo annulo obsignat. Inde tres ex patribus ad altare ascendentes, Decanus, videlicet Archipresbyter, & Archidiaconus, calicem, in quo eo die sacra facta sunt, ad medium altaris constituunt, custodes ipsi omnium, ac inspectores astantes. Post hæc eodem ordine procedunt & reliqui patres, atque ante altare in genua procidentes, codicillum singulatim in calicem demittunt. Id autem postquam ab omnibus factum est, tres illi (quos dixi) calicem ipsum ad cæteros, inferius confedentes, sublatum altius ostendunt, consistentesque in subselliorum medio, unde & spectari, & audiri à circumstantibus possunt, numerant mox codicillos, quorum ut conuenisset numerus inuenitur, singuli à Decano aperiuntur, & leguntur, ac Archidia-

12  
ac Archidiacono proximo pronunciandi traduntur. Patrum quisque papirum tenens, ac pugillare, quos quisque eligit suo chirographo annotans. Nullus autem ex Alexandri III. constitutione, pro Pontifice haberi potest, nisi qui duarum partium ex Cardinalibus integra suffragia tulerit. Qui numerus si ex codicillis adimpletur, tum Pontifex creatus est. Sin autem, liberum est cuique quem voluerit patrum, non electum à se scripto, voce eligere, quæ electionis ratio, accessus appellatur. Rarum est quempiam ex solis codicillis eligi, vocum accessio conficere totum opus solet. Alius est quoque creandi Pontificis mos, qui per adorationem dicitur. Hoc autem est, quum duæ partes Cardinalium, non expectato, ut vocant, scrutinio, sed voce tenus omnium consensu, & voluntate quempiam ex Cardinalibus in Romanum Pontificem saluant, atque venerantur. Qua ratione Paulus III. Iulius III. Marcellus II. & Paulus Quartus renunciati fuerunt.

Typis Matthiæ Wirzbieta.











